

SIMULIZI: MAPANGO YA MLIMA SONGWE



Mtunzi: Alfaksadi Mtiba

Sehemu ya 1

Ni siku ya Jumapili Majira ya SAA 1:30 Asubuhi, katika mji wa ifakara kijiji cha Mbasa wilaya ya kilombero mkoani Morogoro. Kijana Johnson aliamka katika Kitanda chake cha miti, Mfano wa kichanja cha vyombo kikisaidiwa na Miti minne iliyochimbiwa chini ya ardhi, Kilipambwa kwa mkeka na kigodoro kidogo kilichokua kimechakaa kutokana na Kutumika kwa Muda mrefu. Hata hivyo rangi yake halisia ya godoro lile ilikua imeshapotea na kubeba rangi ya udongo kabisa, hali hii iliashiria uhalisia halisi wa maisha ya Johnson mjini Ifakara..

Johnson alinyanyuka kutoka katika kitanda chake cha miti na taratiibu akajiinua Kama mtu aliyekua kwenye Mazoezi mazito huku akifikicha macho kwa kiganja chake cha mkono wa kushoto, ghafra anakutana na mwanga mkali wa jua unaomuumiza macho ni Mara baada ya kufumbua macho yake, hali inayomfanya afunike macho yake tena kwa kiganja chake. Mwanaga ule ulipenya katika baadhi ya matundu ya nyumba yake ya udongo aliyokua anaishi Johnson ni dhahiri kua kulikua kumepambazuka. Hali hii pia ilimulika kabisa umasikini wa

Maisha ya kijana Johnson, Mwanaume mwenye rangi ya kiafrika mweusi na aliyekua amejazia sehemu za kifuni na mikononi, pia lilikua ni jibaba lililopanda hewani, hata hivyo baadhi ya majirani zake walimuogopa kutokana na Muonekano wake mbali na kua alikua ni mzuri wa sura.

"Mmmmmmmmmh" Ilikuwa ni pumzi ndefu aliyoivuta Johnson huku akijinyoosha kwa mikono yake, hata hivyo alionekana alikua amechoka sana, hii ilichagizwa na uchovu aliokua nao kutaokana miangaiko yake ya kila siku katika kujitafutia liziki, Muda mwingine ilimlazimu kulala hata saa Saba za usiku hata hivyo aliamini kuangaika kwake haikua bure kwani ipo siku Mungu angesikia kiliio chake na angelikuja kufanikiwa.

Baada ya kutupia macho yake pembeni anakutana na mlundikano wa vyombo na anaweka mjadala ndani ya nafsi yake.

"Kumbe vyombo hivi ni vichafu" anasogea taratiibu mpaka kwenye kidishi cha vyombo

"Mmmh, hivi mara ya mwisho nilivitumia lini", bila kupata jibu anatafakari sekunde kadhaa anakumbuka " Ooooh yaani tangu nimepika jumatano ndio mpaka leo hahaaa, ubachela bwana" Johnson alijikuta anajichekesha baada ya kugundua anamuda tangu amepika na hakua ameosha vyombo kwani Mara nyingi hua anakula kwa Mama ntilie.

Anashika ndoo na kukaguakagua anagundua hata maji ya kutumia yameisha, anaonekana kutabasamu mara baada ya kushika jaji la maji ya kunywa na kugundua kulikua na maji. "aisee afadhali yaani sijui ningetokaje nje na asubuhi hii bila kunawa, ndani ya Danika kumi na tano alikua amekwisha kunawa uso na sasa anavaa shati lake jeusi alilipendelea kulivaa tayari kwa miangaiko ya siku hiyo, japo lilikua limeshabadilika rangi yake halisi na kutaka kufanana na nyekundu iliyo fifia.

"Shiiiiiiiiiti, sasa ndio nini hiki? aah Mimi navaaa hivi hivi" ni baada ya kugundua shati alilokua akilivaa Mira huo lilikua limetatuka sehemu ya begani, hata hivyo lilikua limekwisha chakaa mabali na kua lilikua likimbana kutokana na mwili wake ulivyo.

"Hivi sijachelewa kweli?, yule mzee alisema saa ngapi vile" Alijikuta akizungumza kwa sauti na wakati huohuo akitazama saa yake ya mkononi.

"Hafadhali kumbe sijachelewa Sana ndio kwanza Saa mbili kasoro" alikua akijifariji baada ya kugundua muda aliopaswa kuondoka kutoka kwake ulikua haujaenda Sana kwani alipaswa

kukutana na Mzee mmoja aliyekua amemuomba Johnson kwamba, SAA 3:30 asubuhi afike kwake anamazungumzo ya msingi na yeye.

Johnson sasa anaamua kuondoka haraka baada ya kumaliza kuvaa, alishika barabara ya mtaa kutoka mbasa na kutokana kasi aliyokua nayo tayari alikua amefika barabara ya muhola inayoelekea mjini Ifakara, na sasa alikua njiani akielekea kwa yule mzee aliyeomba wakutane.

"Kwani yule mzee anataka kuniambia nini, kwanza anaonekana ananifahamu vizuri haiwezekani anione tu Mara ya kwanza aniite jina langu, alafu kwani ni kazi gani anataka kunipa" baada ya kikao kifupi cha Johnson akilini mwake, wajumbe wanashindwa kufikia mwafaka na anajikuta hakuana hata swali moja liliojibiwa Ana amua kuvuta subira mpaka atakapofika.

Kwa sababu ilikua ni asubuhi tayari watu walikua wameanza pilikapilika zao huku akina mama wakifungua magenge yao na wenye kuuza vitumbua na maandazi pembezoni mwa barabara walikua tayari wakichakalika huku wafanya biashara wa Maduka wakiwa tayari wameanza kuhudumia wateja wao, Mji ulikua umechangamka asubuhi ile.

"Naomba unifungie vitumbua vya mianne" Johnson alikua akizungumza na mmoja wa akina mama waliokua wakifanya biashara pembezoni mwa barabara, anaingiza mkono mfukoni na Kutoa shilingi Mia tano. Sasa alikua akiendelea na safari baada ya kukabidhiwa chenji yake na vitumbua vikiwa vimefungwa kweny gazeti, ndani ya dakika nne alionekana kuchepuka njia na kuingia kwenye mgahawa mmoja karibu na kituo cha SIMBA OIL STATION kilichopo njia panda inayokutanisha barabara iendayo Redio Pambazuko FM na barabara kuu iendayo Morogoro Mjini.

Akiwa na vitumbua vyake mkononi aliingia katika mgahawa mmoja aliozoea Mara nyingi kuutumia kupata chakula, aliuzoea sana kwani kuna wakati alikua akihudumiwa bure hata Kama hana pesa kwani aliweza kuahidi kulipa siku nyingine na aliaminika na hayo ndio yalikua ma is ha yake mjini Ifakara.

"Mama Tabu habari ya Asubuhi" Johnson anamsalimia Mama Tabu ambaye ni mama ntilie katika mgahawa ule.

"Nzuri jamani za kuuadimika" aliitikia mama Johnson huku akimminia chai mmoja wa wateja waliokua katika mgahawa ule.

"Hahahaaa, sijapotea bwana nipo, mambo Mengi tu natingwa Muda MW engine, hebu niwekee chai kikombe kimoja nina haraka sana" Johnson alijichekesha na kupotezea kua anaharaka anahitaji chai, ni kweli alikua ameadimika kwani anasiku Kama mbili hajaonekana napo na sio kawaida yake.

Haikuchukua muda tayari Mama Tabu alikua akimmiminia chai kwenye kikombe cha u do go, "Bei yetu si ileile au ushapandisha gharama ya cha maana hamkawii kusema sukari imepanda beii hahahaha" akiwa anakula kitumbua alitania huku akijichekesha, Sema alizoea kumtania mama Tabu maana walizoeana Sana.

Mama tabu huku akicheka kwa sauti kubwa alimjibu Johnson "hapana bwana juzi tu umekunywa chai hapa kwa mia, au unataka nikupe ya maziwa..?"

"Hapana pesa yenyewe iko wapi ya kunywa chai ya maziwa, labda Mama Samia afungue fursa nyingi zaidi Mtaani" Johnson alijibu lakini ni Kama alikua akizungumza peke yake kwani Mama Tabu alikua bize na kukaanga chapati.

Ndani ya dakika kumi alikua tayari ameshamaliza kula na sasa alikua anampa mama Tabu shilingi Mia ya chai.

"Shukrani sana, sasaaa...sahivi.. ni..!!" Johnson alishtuka na kubutwaa baada ya kutazama saa yake ya mkononi mara ghafla alikurupuka kama mbwa aliyetupiwa jiwe, jambo lililofanya watu wote kwenye mgahawa ule kushangaa na kuogopa pia, kwani walihisi kunatukio baya huenda limetokea..

Je, Kwanini Johnson alikurupuka, na kwanini Mzee huyo anamfahamu Johnson na anamuhitaji kwa kazi gani? Kwani Johnson ni nani hasa? Majibu yote utayapata kupitia simulizi hii tamu endelea kufatilia na kutoa maoni yako.